

ПРОФЛАКТИКА ИНСПЕКТОРЛАРИНИНГ МИЛЛИЙ ГВАРДИЯ ОРГАНЛАРИ БИЛАН ХАМКОРЛИГИ

Махмудов Жамшид Шухратхон Ўғли

Ўзбекистон Республикаси ИИБ Академияси кундузга таълим

3-курс 319-гурух курсанти

АННОТАЦИЯ

Ушбу илмий мақоланинг долзарблиги шундаки Миллий гвардия органларининг ҳуқуқбузарликлар профилактикасига доир фаолиятини ташкил этиш ва такомиллаштириш бундан ташқари қўриқлаш хизмати, жамоат тартибини сақлаш, оммавий тадбирларда жамоат тартибини сақлашда, ҳуқуқбузарликлар профилактикасини ташкил этиш ва такомиллаштириш доирасидаги нормаларнинг амалиёт таҳлили ҳамда ушбу фаолият доирасида юритиладиган процессуал ҳужжатлар расмийлаштириш тартиби ҳақидаги дастлабки тушунчалар, ушбу фаолиятдаги муаммо ва камчиликлар, шунингдек, айрим турдаги мавжуд муаммо ва камчиликларни бартараф этиш бўйича ҳамда қонунчилигимиздаги ушбу соҳага доир сўнгги янгиликлар келтириб ўтилган. Миллий гвардия органларининг ҳуқуқбузарликлар профилактикасига доир чоратадбирларини амалга ошириш фаолиятини ташкил этиш бўйича бошқа хорижий давлатларнинг илғор хорижий тажрибаси ҳамда миллий қонунчилигимиздан фарқли ва ўхшаш томонлари, шунингдек, юқорида келтириб ўтилган жиҳатларидан фойдаланган ҳолда ушбу фаолиятни такомиллаштириш йўналишлари ёритиб ўтилган.

ANNOTATION

The relevance of this scientific article is the organization and improvement of the activities of the National Guard bodies for the prevention of crimes, as well as the security service, maintaining public order, maintaining public order at public events, the practical analysis of the norms within the framework of the organization and improvement of the prevention of crimes, as well as the procedure for formalizing procedural documents within the framework of this activity. initial concepts, problems and shortcomings in this activity, as well as the elimination of certain types of existing problems and shortcomings, as well as the latest news in this field in our legislation. The advanced foreign experience of other foreign countries in organizing the activities of the National Guard bodies for the prevention of crimes, as well as the differences and similarities with our national legislation, as well as the directions for improving this activity using the above-mentioned aspects, are highlighted.

Ички ишлар органларининг ҳуқуқбузарликлар профилактикаси соҳасини тартибга солувчи идоравий меъёрий-ҳуқуқий ҳужжатларини ўрганиш

натижалари шуни кўрсатадики, бевосита вояга етмаганлар ва ёшлар ўртасидаги ҳуқуқбузарликлар профилактикаси фаолияти, хусусан, Ўзбекистон Республикаси Ички ишлар вазирининг «Ички ишлар органларининг ҳуқуқбузарликлар профилактикаси бўлинмалари фаолиятини ташкил этиш тартиби тўғрисидаги низомни тасдиқлаш ҳақида»ги 151-сон (12.07.2017 й.) буйруғи билан тартибга солинган. Бироқ мазкур низомда уюшмаган ёшлар ўртасида ҳуқуқбузарликлар профилактикасини ташкил этишга доир махсус нормалар мавжуд эмас. Фикримизча, ички ишлар органларининг уюшмаган ёшлар ўртасида ҳуқуқбузарликлар профилактикаси фаолияти профилактик таъсир кўрсатиш объектининг хусусияти, уларга нисбатан қўлланадиган профилактик таъсир чоралари, иш усуллари ва шаклларининг ўзига хослиги билан ажралиб туришини инобатга олиб, Ички ишлар органларининг ҳуқуқбузарликлар профилактикаси бўлинмалари фаолиятини ташкил этиш тартиби тўғрисидаги низомни уюшмаган ёшлар ўртасида ҳуқуқбузарликлар профилактикасини ташкил этиш механизмлари ва методикасини белгилаб берувчи махсус нормалар билан тўлдириш мақсадга мувофиқдир. Профилактика инспектори миллий гвардия билан ҳамкорликни амалга оширишда куйдаги юналишларда амалга оширади

- оммавий тадбирларни утқизишда
- патрулик юналишларини ташкил қилиш ҳамда хизматни амалга ошириш
- жамоат тартибини сақлаш;
- давлат бинолари ҳамда тоифаланган ҳудудларда куриқлашни ташкил қилиш

Оммавий тадбирларни утқизишда профилактика инспектори миллий гвардия органлари билан биргаликда маъсул ҳисобланади. Улар хизматни ташкил қилиш буйича биринчи навбатта дислогацияларни белгилаб олишда бу авваламбор кам куч сарфлаб куп натижага эришишга ёрдам беради.

Бундан ташқари профилактика инспектори ҳудудида жойлашган бино ҳудудларига ҳам бевосита жавоб беради. Бунда агарда шартнома тузилган булса миллий гвардия органлари жавоб беради. Миллий гвардия ҳузуридаги «Қўриқлаш» хизматининг норматив-ҳуқуқий ҳужжатларга асосан асосий вазифалари:

- жамиятимиз аъзолари бўлмиш фуқаролар, мамлакатимиздаги чет эл фуқаролари ва фуқаролиги бўлмаган шахсларнинг тинчлик-осойишталиги, молмулкани ҳамда давлат ва нодавлат ташкилот, муассаса ва корхоналарнинг қонуний манфаатлари, мол-мулкларини ҳуқуққа хилоф турли кўринишдаги маъмурий ва жиноий тажовузлардан ишончли қўриқлаш;

- тажовузлардан ишончли кўриқланишини таъминлаш;
- кўриқланаётган объектларда хизматни ўташ билан бир вақтда, ушбу объектларга ҳамда кўриқлаш пост, маршрут ва секторларига яқин бўлган ҳудудларда жамоат тартибини сақлаш ва фуқаролар хавфсизлигини таъминлаш, ҳуқуқбузарликлар ҳамда жиноятлар содир бўлишининг олдини олиш, содир этилган жиноятларнинг эса тез ва тўлиқ фош этилишини таъминлашда фаол қатнашиш;
- мамлакатимиз ҳудудида жойлашган ўта муҳим, тоифаланган объектлар, иқтисодиёт ва халқ хўжалиги иншоотлари, корхона, муассаса, ташкилотларнинг мол-мулкларини ғайриқонуний, жинойий тажовузлардан белгиланган тартибда тузилган кўриқлаш шартномалари асосида ишончли кўриқлаш ва мудофаасини таъминлаш;
- кўриқлаш бўйича фаолиятни ташкил этишда, жамоат тартибини сақлаш, фуқаролар хавфсизлигини таъминлашда, ҳуқуқбузарлик ва жиноятларнинг олдини олиш ҳамда уларга қарши кураш фаолиятини ташкил этишда ички ишлар органларининг барча бўлим ва хизматлари билан мақсадга мувофиқ ҳамкорликни амалга ошириш;
- кўриқлашнинг мустаҳкам, ишончли ва тезкорлик даражасини доимо ошириб бориш, янада такомиллаштириш, шу орқали миқозларга юқори малакали ва сифатли хизмат кўрсатиш билан бир қаторда, ҳудудда ҳуқуқбузарлик ва жиноятларнинг олдини олиш бўйича Миллий гвардиянинг муҳим йўналишларидан бири бўлган профилактик фаолиятни ташкил этиш, олиб бориш;
- кўриқланаётган объектларда турли кўринишдаги жиноятлар ва маъмурий ҳуқуқбузарликларнинг олдини олиш ва уларга чек қўйишнинг самарали тизимини яратиш, уларнинг содир этилишига йўл қўймасликка қаратилган чоратадбирларни амалга ошириш;
- кўринишлари, наркотик воситалар ва психотроп моддалар, ўқотар қуроллар ва ўқ-дорилар ноқонуний ташилишининг олдини олиш ва уларга чек қўйиш чораларини кўриш;
- кўриқлашнинг энг янги техника воситаларини ишлаб чиқиш, сигнализация воситаларидан техник фойдаланилишини ташкил этиш ва жорий қилиш бўйича ягона техника сиёсатини юритиш, шу асосда кўриқлаш шакл ва усулларини такомиллаштириш;
- республика ҳудудидаги соқчилик бўлинмаларини, улар қайси муассасага бўйсунганидан қатъи назар, белгиланган тартибда текширувдан ўтказиш;
- давлат мулкларининг ва фуқаролар шахсий мулкларининг

дахлсизлигини таъминлашда жамоатчилик ва меҳнат жамоалари билан, кўриқлаш бўлинмалари фаолиятини тарғиб этиш ва қонунбузарликнинг олдини олишда оммавий ахборот воситалари билан ҳамкорлик қилишнинг шакл ва усулларини такомиллаштириш;

– кадрларни танлаш, жой-жойига қўйиш, уларни ўқитиш ва тарбиялаш, кўриқлаш бўлинмаларининг шахсий таркиби ўртасида хизмат интизоми ва қонунчиликни мустаҳкамлаш ишларини ташкил этиш;

– кўриқлашнинг даромад ва харажатларини, моддий-техника таъминотини режалаштириш, рентабелликни ошириш бўйича тадбирлар ўтказиш, кўриқлаш бўлинмалари шахсий таркибини ижтимоий суғурта қилиш;

Ўзаро ҳамкорлик ва мувофиқлаштириш тушунчалари ўз мазмунига кўра бир-бири билан яқин тушунчалардир, юридик адабиётларда ўзаро ҳамкорликни, икки ёки ундан ортиқ иштирокчиларнинг маълум бир вазифа-ларни ҳал этиш учун биргаликдаги ўзаро келишилган ҳаракати деб қаралади. У бир ёки бир неча биргаликдаги фаолият иштирокчиларининг ташаббуси билан юзага келиши мумкин. Миллий гвардияда алоҳида хизматларнинг ўзаро ҳамкорлигини уларни бошқариш жараёнида орган бошлиғи ташкил этади. Бундай ҳолларда ҳамкорликни ташкил этиш мувофиқлаштиришнинг бир кўриниши деб қаралиши керак. Миллий Гвардия органлари ички ишлар органлари билан ҳамкорликда жамоат тартибини сақлаш фуқароларнинг ҳуқуқ ва эркинликларини сақлаш борасида профилактик чора–тадбирларни ҳамкорликда бажаради. Бунинг натижасида фуқароларнинг ҳуқуқ ва эркинликларини таъминлаш бевосита ҳамкорликда амалга оширилади.

FOYDALANILGAN ADABIYOTLAR RO‘YXATI:

- 1) Mirziyoyev Sh.M. Konstitutsiya – erkin va farovon hayotimiz, mamlakatimizni yanada taraqqiy ettirishning mustahkam poydevoridir / O‘zbekiston Respublikasi Konstitutsiyasi qabul qilinganining 29 yilligiga bag‘ishlangan tantanali marosimdagi ma‘ruzasi // Xalq so‘zi. – 2021. – 8 dek.;
- 2) Mirziyoyev Sh.M. Tartib-intizom va mas‘uliyatni kuchaytirish, jinoyatchilikning oldini olish muhitini mustahkamlash – huquqbuzarlik profilaktikasi samaradorligining asosiy omilidir;
- 3) Mirziyoyev Sh.M. “Erkin va farovon demokratik O‘zbekistn davlvtini birgalikda barpo etamiz”// Toshkent – 2021.
- 4) Mirziyoyev Sh.M. Birlashgan Millatlar Tashkiloti Bosh Assambleyasining 75-sessiyasidagi nutqi // Xalq so‘zi. – 2022. – 8 fev.
- 5) Fuqarolarning o‘zini o‘zi boshqarish organlari faoliyatini qo‘llabquvvatlash, mahalla tizimini rivojlantirish va jamiyatda “Obod va xavfsiz mahalla” tamoyilini joriy etishning 2020 — 2024 yillarga mo‘ljallangan konsepsiyasini

- tasdiqlash to'g'risida O'z.Res.Pr. Farmoni
- 6) O'zbekiston Respublikasi Vazirlar Mahkamasining 2018 yil 8 yanvardagi «Fuqarolar va jamoat tashkilotlarini huquqbuzarliklar profilaktikasi va jinoyatchilikka qarshi kurashishdagi faol ishtiroki uchun rag'batlantirish tartibi to'g'risidagi Nizomni tasdiqlash haqida»gi 15-son qarori;
- 7) O'zbekiston Respublikasi Vazirlar Mahkamasining «O'zbekiston Respublikasi Ekologiya va atrof muhitni muhofaza qilish davlat qo'mitasi to'g'risidagi nizomni tasdiqlash haqida»gi 2019 yil 15-yanvardagi 29-son qarori // URL: <http://www.lex.uz>.
- 8) O'zbekiston Respublikasining "Ichki ishlar organlari to'g'risida"gi Qonun // Toshkent sh.; 2016 yil 16 sentyabr; O'RQ-407-son // URL: <http://www.lex.uz>.
- 9) O'zbekiston Respublikasi prezidentining 2022 yil 28 yanvardagi PF-60-son «2022-2026 yillarga mo'ljallangan yangi O'zbekistonning taraqqiyot strategiyasi to'g'risida»gi farmoni // URL: <http://www.lex.uz>.
- 10) O'zbekiston Respublikasi Prezidentining 2017 yil 7 fevraldagi PF-4947-son «O'zbekiston Respublikasini yanada rivojlantirish bo'yicha harakatlar strategiyasi to'g'risida»gi farmoni // URL: <http://www.lex.uz>.
- 11) O'zbekiston Respublikasi Prezidentining 2017 yil 10 apreldagi «Ichki ishlar organlarining faoliyati samaradorligini tubdan oshirish, jamoat tartibini, fuqarolar huquqlari, erkinliklari va qonuniy manfaatlarini ishonchli himoya qilishni ta'minlashda ularning mas'uliyatini kuchaytirish chora-tadbirlari to'g'risida»gi PF-5005-sonli Farmoni // O'zbekiston Respublikasi qonun hujjatlari to'plami. – 2017. – № 15. – 243-m.
- 12) O'zbekiston Respublikasi Prezidentining 2017 yil 14 martdagi PQ-2833-son «Huquqbuzarliklar profilaktikasi va jinoyatchilikka qarshi kurashish tizimini yanada takomillashtirish chora-tadbirlari to'g'risida»gi qarori // URL: <http://www.lex.uz>